

671.3437
074
14

遂平縣志

平縣志卷之十五

藝文

記傳文

文章者天地之菁英詩歌者國家之鼓吹也山川之秀人文之華風俗之美一得學士騷人吟詠而揚挖之則山若於是而名水若於是而靈義夫節婦亦將於是流傳而不泯故天壤間之可登可眺可詠可玩可驚可愕者不必親歷其境或動人卧遊之神不必親見其事或發人激烈之氣皆賴人爲之傳也人傳之者文傳之詩

傳之也然則片語隻詞盖可忽乎哉志藝文

明

記

名宦鄉賢祠碑記

平陰

尹際可

嘉靖己未夏六月翟侯象巖翁以宅牧尹遂土越
三日釋菜先師鼓篋以論義理正其業也周視以
詳學判舉其廢也肇修以祀賢宦宏其化也訊諸
士於橋門作而曰聖祖宏化海隅均沾孰謂中州
可乏此祀報崇功德之典轉移風教之機其在茲

7/11/1323/04

端肅若吉水周公烈其著於皇明者有如此於鄉
賢而拔其尤者則說陳涉而爲秦民之湯武若柱
國房君蔡公賜載史遷有如此以至由選舉而以
廉能著名若嘉興太守趙公希哲伴懿文而以文
學侍從若刑部主事陳公威居諫院而以敢言左
遷若大中丞遠公志篤實而助人婚喪若青州太
守榮公節孝友而廬墓推產若晉階中順陳公俊
受令而守死羅江若出仕張公來儀罵賊而慷慨
殺身若處士李公斌其見於明朝者有如此諸君

乎雖有先後遠近潛見隱顯之不一均有功於
民者也按祭法曰法施於民則祀之以死勤事則
祀之以勞定國則祀之能禦大災捍太患則祀之
粵若裴文襄李節度李觀察蔡柱國以勞定國者
也張吳江陳廬陵賈陽信之宅牧陳莆田周吉水
之成民趙太守陳王政遠中丞榮太守陳中順之
先正法施民者也王石首去菑而捍患張令尹李
處士以死勤事者也凡此屬也列之祀典以揚前
烈崇報也以風當時示教也以赫德大萃而明著

之後世又以激人心之良於無斃者也以此視學
則曠典舉而莫或廢以此課士則實行敦而莫或
浮夫學之言效也上而誦法先師先賢次而效法
鄉賢名宦後日之法乎今猶夫今日之效乎前也
祭法之修可以持此而勵世風矣是舉也教諭內
江何公具其事府守存溪視公覈其詳肇修而迄
用有成者爲誰則廣宗象巖翟侯也侯以入而易
湮欲勒之石以風諸後世予以次年庚申視學篆


遂載筆以記之竊比於左右史云

興文書院記

張四知

遂邑舊稱多才至於今日諸士之抱藝尙行求時而奮者曾不讓於昔也顧正德前而賢哲之類或以鳳翥或以虎變彙征王路後先輝映甚稱盛矣至我皇上御極垂四十餘年德教覃敷道化汪濊茲雖在窮荒罔不奮迅崛起翱翔天衢以應明王之期詩稱周王壽考遐不作人此其時歟顧遂邑之士自戊子迄於戊午屈指上者恒不乏人輒未有先鳴者是何今昔之頓殊哉或謂氣數盛衰人

材倚伏遂之士值其衰者也邇今衰之旣極寧知
非盛之漸乎翟侯治遂之明年較閱諸士而嘉賞
之因召諸博士弟子曰夫材興於感而墜於廢成
於聚而荒於孤諸士彬彬乎美哉至於落落不一
售於主司寧獨阨耶而作新道化之術上之人或
有所未逮也余欲創以舍諸士以觀其成庶幾有
興哉僉曰善侯乃捐俸購地一區在學宮東北隅
闢闢遶絕雉堞一廵蓋爽然一佳區也於是詳爲
經度周爲畫處始於庚申夏之四月迄於冬之十



偉績不可使之淹沒也率其弟子愈清孟應徵徵
余以文余曰人材之會雖有盛衰而道化之機固
在上不在下侯能慨然有是舉焉其知化本哉余
讀漢史蜀近西南夷其俗鄙陋逮文翁之治蜀也
大興教化遣司馬相如求七經以授生徒其後禮
義之風幾於齊魯而有王子肅楊子雲之流相繼
而起與長卿各蔚然一時稱文章之宗彼談者莫
不歸美於文翁也方今聖天子乂安海內崇儒右
文侯昭宣德意隆興化理其視博士倚席爲荒圃

者大相徑庭矣諸士上被四訖之教下沐鼓舞之
化漸漬涵泳連茹而興或以敷宣大命於遐荒或
以咏歌皇猷於庭廟將必有如司馬王楊者出其
間也他日頌侯之德殆與文翁匹休也哉翟侯諱
孟道字守中廣宗人李君諱承恩字君賜萊蕪人
屈君諱萃安字順之鉅鹿人常君諱詢字汝賢來
安人蓋述後之美於今者也因併及之

創修東門新河碑記

汝陽桂有根

嘗考先王之爲民生計也築城濬河各有攸當而

門制以樹觀望河道以衍國脉其所關於休咎最
鉅固所以裁成天地康阜民物博濟延禧之功並
稱永賴其爲地方重務至明也自秦裂天下土宇
而郡邑之則一方風氣命脉之通塞利鈍胥於守
令是寄非賢豪間出家視國身視民晰利弊之原
拮据之艱者烏能破拘攣之見更張創建節宣風
化培植地利以一旦垂不朽之宏規也我汝南當
天地之中擅聲名文物之盛城之西不三舍爲遂
平崇山大河拱峙襟帶於邑治間允哉形勝名美

矣第城東門舊在縣治膠辛之左迫促狹隘文明
佳氣鬱而未鬯且沙河發流於螭呀山下由西北
橫亘於前東趨於淮汝石洋河出自嵒峯山泉直
流而東距城五里許漸折而北寧獨腴田歲受淹
沒而地脉反掉散漫甚不利於士庶二百年來人
文之不振閭左之蕭索職此故耳詎非邑務至關
切者哉自萬歷己未夏邑侯胡公以賢科人豪綰
紉受縣事侯高明洞達廉愛方嚴甫一下車留心
民瘼鋤強扶弱闢荒完逋修城垣飭學宮靡不竭

蹶振舉已而卜吉移東城門於舊址之南數十步
外規度軒豁高華視之昔日屹然改觀矣門之外
約五里率衆開河渠廣深各二十尺長三里有餘
引石洋之水曲折而會於沙河俾兩山美秀總於
縣治萃焉河之中舊有通上蔡大道又採石鳩工
不旬日建一橋可通徒輿而河水建瓴而南邑人
士亦不妨遵道而徂東觀洪濤之順流瞻飛虹之
鞏固百年形勝之區堪與光固諸邑比美矣邑之

司諭張鯉化暨近年諸生仲九澤等跋涉至汝陽

屬予記其事以識不朽是深仁厚澤之浸入人心
不能忘也乃余聞之遂人口碑匪伊朝夕矣第東
門改於泰昌之秋新河改於天啟之春野史載之
甚悉夫復何贅獨計開創新門濬導新河者體國
勞民之成迹也作興斯文富厚民生者起弊維風
之深心也至若經始落成舉大事而不擾奏大功
而不勞則經世更化之盛心也不然傳舍其官而
秦越其民殘疲之已事可鑑矣侯之大有造福於
遂也寧不與朝陽之樓閣並崇新河之流行同遠

也哉循良吏治類如此余遂爲諸生次第其語鐫之於石以志侯治之功業焉侯諱來進山東諸城人鄉進士

三皇廟碑記

冀 璿

房子舊無三皇廟邑義民祝有本有南郭隙地一區欲施爲之慮非類有弗蠲者謀諸始以作事璿曰非也巷祭野祀亦所以存德念功矧羲都宛邱農始都陳陳蔡接壤而房亦其故墟也祀之則神必享請質諸邑侯曾公曰繫生人之始開物成務